

Član 50.
(Zdravstveno-inspekcijski nadzor)

Zdravstveno-inspekcijski nadzor nad primjenom ovog Zakona vrši kantonalni zdravstveni inspektor u skladu sa članom 194. do 203. Zakona o zdravstvenoj zaštiti.

DIO ŠESTI - KAZNE NE ODREDBE**Član 51.**
(Novčana kazna)

- (1) Novčanom kaznom u iznosu od 1.000,00 do 3.000,00 KM kaznit će se za prekršaj kantonalna bolnica ako obavlja djelatnost, a ne ispunjava uvjete propisane članom 4. do 45., članom 47. stav (1), članom 49. i članom 52. ovog Zakona.
- (2) Za prekršaj iz stava (1) ovog člana kaznit će se novčanom kaznom u iznosu od 200,00 KM do 500,00 KM i odgovorno lice u kantonalnoj bolnici.

DIO SEDMI - PRELAZNE I ZAVRŠNE ODREDBE**Član 52.**
(Rok za osiguranje propisanih uvjeta)

Kantonalna bolnica je obavezna osigurati uvjete propisane ovim Zakonom, u roku od šest mjeseci od dana stupanja na snagu ovog Zakona.

Član 53.
(Prestanak važenja)

Danom stupanja na snagu ovog Zakona prestaje da važi Zakon o uvjetima koje treba ispunjavati kantonalna bolnica („Službene novine Zeničko-dobojskog kantona“, broj: 4/17).

Član 54.
(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-5376/20
Datum: 10.04.2020. godine
Zenica

PREDSJEDAVAJUĆI
Ćazim Huskić, s.r.

163.

Na osnovu člana 100. i 101. Poslovnika Skupštine Zeničko-dobojskog kantona - Treći Prečišćeni tekst („Službene novine Zeničko-dobojskog kantona“, broj: 14/18, 18/18 isp. i 7/19), Skupština Zeničko-dobojskog kantona, na 20. (hitnoj) sjednici održanoj 10.04.2020. godine, donijela je:

ODLUKU
o dopunama Poslovnika Skupštine
Zeničko-dobojskog kantona**Član 1.**

U Poslovniku Skupštine Zeničko-dobojskog kantona - Treći Prečišćeni tekst („Službene novine Zeničko-dobojskog kantona“, broj: 14/18, 18/18 isp. i 7/19.), iza člana 18. dodaje se član 18a. koji glasi:

“Član 18a.

U slučaju nemogućnosti obezbjeđenja prisustva članova Kolegija Skupštine u zajedničkoj prostoriji u kojoj se održavaju sjednice Kolegija zbog vanrednih prilika (opasnosti po javnu sigurnost i sigurnost građana širih razmjera, elementarnih nepogoda, velikih šteta za imovinu, epidemija i slično), sjednice Kolegija Skupštine Zeničko-dobojskog kantona se mogu održavati i telefonskim putem, te elektronskim putem-online uz korištenje online konferencijskog sistema ili drugim oblikom elektronske komunikacije u kom slučaju se prijavljivanje za diskusiju i glasanje vrši online, a redoslijed prijavljivanja i rezultate glasanja utvrđuje predsjedavajući Skupštine.”

Član 2.

U članu 49. iza stava 2. dodaju se stavovi 3. i 4. koji glase:

“Izuzetno, u sljedećim okolnostima iz člana 50. stav 3. Poslovnika (opasnosti po javnu sigurnost i sigurnost građana širih razmjera, elementarnih nepogoda, velikih šteta za imovinu, epidemija i slično), sjednice Skupštine se mogu održati i telefonskim putem, te elektronskim putem-online uz korištenje online konferencijskog sistema ili drugim oblikom elektronske komunikacije, u kom slučaju se prijavljivanje za diskusiju i glasanje vrši online, a redoslijed prijavljivanja i rezultate glasanja utvrđuje predsjedavajući Skupštine.

Na sjednicama Skupštine koje se održavaju telefonskim putem i online, ne mogu se postavljati poslanička pitanja, niti pokretati inicijative, već se poslanička pitanja i inicijative mogu dostavljati elektronskim putem na službenu e-mail adresu Skupštine Zeničko-dobojskog kantona, te se na isti način u utvrđenim rokovima, mogu podnositi i amandmani na prijedloge akata koji će se razmatrati na online sjednici Skupštine, kada se izjašnjavanje po amandmanima vrši na isti način kao u stavu 3. ovog člana.”

Član 3.

Odluka stupa na snagu danom donošenja, a ista će se objaviti u „Službenim novinama Zeničko-dobojskog kantona”.

Broj: 01-30-5377/20

Datum: 10.04.2020. godine

Zenica

PREDSJEDAVAJUĆI

Čazim Huskić, s.r.

.....